

ԻՐԱՆԻՆԷ ԵՒ ԽԵԼԱՅԻ ԳԼՏԱՆՈՐ.

Ասի յառակաց, թէ՛ Ի. արք միմեանց յոյժ բարեկամք էին. և ելեալ գնացին 'ի ծանապարհորդութիւն. և մինն զննեալ 'ի վաճառոյնն՝ և միւսն շահեալ փարթամացաւ: Վարձան և զային 'ի տունս իւրեանց, և եկեալ մօտացան 'ի քաղաքն իւրեանց: Ասէ աղքատ ընկերն ցհարուստն, թէ՛ եղբայր, շատ բարութիւն և սէր գիտեմ 'ի քեզանէ. նա՛՝ ամենեցուն զլուխն այս է՝ որ կու խնդրեմ 'ի քէն, այն 'ի վեր է քան զամենն. պարտ է որ ինձ եղբայրութիւն անես. Ա. սպիտակ 'ի փոխ տաս, որ տանիմ զիմ տան և իմ աղայոց պէտքն լռնում, դալ տարի յայսօրս զքո զրամն վճարեմ. այնպէս՝ զիտացիր՝ թէ՛ զիմ արդայքն 'ի գերութենէ կու զնես և ազատես քո հոգւոյդ համար: Իսկ նորա լուեալ զայս պարզմտութեամբ՝ ետ զԱ. զրամն խղճալով աղքատութեան նորա: Աւ ելեալ 'ի տեղւոյն եկին 'ի տունս իւրեանց: Աւ իրիւ ցաւ տարեղլուխն, երթեալ տուողն զրամին առ պարտականն և ասէ, տարի մի բոլոր եղաւ. հիմայ զիմ զրամն տուր, որ իմ տանն և իմ աղայոցն կարիքն անցուցանեմ: Իսկ նորա պատասխանի տուեալ ասէ, ես քեզ զրամ չը պարտիմ: Աւ յորժամ բռնադատեաց, յայնժամ ասէ ցնա, եկ՝ երթանք 'ի դատաւորն՝ որ դատաստան առնէ: Աւ յորժամ եկին, հարցեալ դատաւորն զերկոքեանն՝ զոմն՝ առե՞ր ես թէ ոչ, և զոմն թէ՛ վկայ ունիմ: Աւ իրիւ գիտաց՝ թէ ոչ զիր կայ և ոչ վկայ 'ի մէջն. ասէ ցայրն որ զզրամն էր տուեալ, թէ՛ յայնտեղն՝ որ զրամն տվիր, մարդ կայր, զրատ կայր, ձի կայր՝ 'ի մօտ-

ներդ: Ասէ տուող զրամին, թէ՛ ոչ ինչ չկայր մօտ 'ի մեզ, վերն աստուած էր, 'ի վայր մեք երկոքեանս. սա ողորմանք խընդրեաց, և ես խղճացի տվի. այժմ՝ կու ուրանայ: Ասէ դատաւորն, ի յայն տեղն ծառ կայր, թուփ կամ քար կայր, ի՞նչ տեղ է այն տեղն: Ասէ զրամի տէրն, ոչ ծառ կայր և ոչ թուփ, լոկ քարատակ մի էր, նստանք անդ համարեցի զզրամն և տուի, և երանք և եկանք 'ի միասին 'ի քաղաքս, դա 'ի յիւր տունն գնաց և ես յիմ տունն: Ասէ դատաւորն ցզրամի տէրն, կարեն զքորն զայն բերել, կամ կուտել 'ի յայն քարէն և նշան բերել: Իսկ նորա 'ի դուրս վաղեալ 'ի զրամին կսկծուն, թէ՛ զնամ զայն քարն լծով բերեմ, կամ կուտեմ՝ և նշան բերեմ: Աւ յորժամ գնաց, ասէ դատաւորն ցմիւսն որ 'ի մօտն մնաց. թէ՛ կարե՞ զայն քարն շարժել 'ի տեղւոյն, կամ կարե՞ կուտել: Ասէ այրն՝ որ ուրանայր զզրամն, թէ՛ հազար լուծք լծէ, չկարէ զայն քարն շարժել 'ի տեղւոյն. և թէ՛ հազար քարադործ բերէ, չկարէ կտոր մի կուտել, զի ապառաժ քար է: Յայնժամ դարձուցեալ զայրն որ գնայր 'ի յետև քարին, և ասէ ցուրացող զրամին, թէ՛ զնամ տուր զիւր զրամն 'ի յինքն, զի դու եղար վկայ որ պարտիս. և այնպէս յամօթ եղեալ վճարեաց զպարտքն:

Յուցանէ առաիս. թէ՛ դատաւորին պարտ է լինել, որ 'ի դատարանին անելք բանին՝ ելք դտանէ, որ զիրաւունքն Աստուծոյ չթիւրէ. ըստ որում ասէ սողմոն, թէ՛ որ կարողն է և հանճարեղ, դառաջնորդութիւն ստացի:

Արդեա՛ն արդեա՛ն. Ի՛նչ: